

“Ndaw biengz seiq nyied va hai caenh, minzsiuj cingq dwg seizcin hoengh!”

Ngoenzlwenz raq fwn hung haenx lumj dawz gij namhfaenx gyaux ndaw hoengheiq swiq seuq bae lo. Haetneix mbwn ronghseuq, ndaw hagdangz hix cw hwnj saekgim ndongq-yamyam, gij hoengheiq beij seizlawz cungj singjsien, gyoengq lwngyez daeuj daengz hagdangz le sim angqyangz lai lo. Yawj gij najriu doenghvunz couh rox gyoengqde ndawsim beij duzroeg gwnz faex hix sim’angq. Gij mbawfaex gwnz nye deng swiq seuq ndaej lwenqda, naj mbaw youzyubyub, lumj gij raemxieng hix yaek rih roengzdaeuj nei. Ngiengxgyaeuj yawj benq mbwn gwnz dingjgyaeuj, sangngaungau, oatat.

Daihsam ciet hwnj goq meijsuz, lauxsae daiq gij hagseng sam seiq aen ban byaij ok gyausiz, gyoengqde youq ndaw ndit raeujrubrub byaij dwk, mienh byaij mienh cimyawj gij va gij rum ndaw hagdangz. Gyoengq hagseng lij menhmenh mup gij rang va diemzsisanq youq gwnz loh iq ndaw hagdangz, bouboux song ga diuqliklik, gwnz naj riunyumnyum. Gyoengq vayinghvah maj youq henz loh, hai ndaej hoenghwdhwd, yawj bae lumj fwj youh lumj mok, gig ndei yawj. Va’ndokgeng yienznaeuz maj youq laj vayinghvah, hoeng hix hai ndaej gig ronghsien, daj gizgyae yawj bae lumj dwg baenz duz baenz duz mbungqmbaj gvai cingq youq ndaw caz mbinyebyeb nei. Gyoengq hagseng yawj ndaej ngaenzngdngwd.

“Va! Caen ndei yawj a!” Riengz dah hagseng yawj bae, de cingq yawj gij va’gyangzveih haeuj yinx. Youq laj ndit ronghndei, gij va va-gyangzveih faenfaen daj ndaw mbaw iethoz raezrad, ngiengxgyaeuj hawj

Byaij Ok Gyausiz, Gaem Dawz Riengbyai Seizcin

走出教室，抓住春天的尾巴

□ Cinz Lisinh / 覃丽新

ndit dak gij limqva hoengz maeqmwmtwt swhegij. Raq rumz iq ci daeuj, gyauej gyoengqde yat dwk ngaek roengz laj gyauejciengz bae, lumj dwg naj-mong, youh lumj cingq doxgangj docih gij rumz dawz gij heiq rangfwdfwd sanq doh ndaw hagdangz. Geij byoz maj youq gwnz ciengz haenx mbaw deih va na, mbouj raen gyauej hix mbouj raen rieng, cij yienh gij hoengzmaeq mbangmbang bu youq gwnz ciengz. Rumz baez ci daeuj, gij va baenz nyumq baenz nyumq lumj youq baenghmbaq gangigoj, dep naj gangriu, gokrwz gangj vah-sebseb……

Geij go yangzvaiz youq baih saenamz va cingq hai ndaej youh lai youh rang, gyoengq rwi mbin bae mbin dauq, cingq youq gwnz go faexvaiz aen daizheiq neix ciengq go. Sijsaeq cimyawj vavaiz, gij va saek haugetget venj youq gwnz nyefaex, baenz roix baenz roix, seiz mbouj seiz riengz rumzcin ngauzngednged, lumj funghlingz doxngad yiengjsasa. Lauxsae caeuj gij hagseng yied byaij sim yied sangj.

Youq laj din geij go faexleux laux sangngaungau, gij rang va daengngoenz saek aeuj youq ndaw vabuenz cingq yinx daeuj gyoengq dinz rwi cup

gwn ieng va vansubsub. Gyoengq hagseng hix lumj duzrwi vaiqvued nei angqangq yangzyangz youq laj faex buet bae gyaep dauq, yien fwngz diuq hwnj buet roengz, gyoengqde angq hemq dwk, diuqliklik, riuahaha……

Samcib faencung dinjdetdet,

hoeng gyoengq hagseng youz ndaej gig simhai, angq ndaej gig habhoz. Lauxsae yawj dwk yawj dwk, ndawsim beij gij va ndaw hagdangz lij rang, beij gij ieng’ va lij van: Gyoengq lwngyez cungjsuenq youq gwnz dangz gaem dawz diuz riengbyai seizcin lo!



Dahsau Yauzczuz mbaet caz.

Liu Sujiyenh ingi

Gij Yienzfaenh Daxmeh

妈妈的姻缘

□ Banh Vwnzcingh / 潘文清

Daxmeh naeuz, gij yienzfaenh de dwg goenglungz gou soengq hawj.

Daxmeh mbouj dwg seng youq ranz mizmingz, hoeng ranz daiq gou hix dwg ranz hung lo. De caet bet bi seiz, ndawranz comz miz haujlai daeg beixnuengx dangz, cukcuk haj roek-cib vunz, gyoengqde lij iq, couh cingj sienseng daeuj son gyoengqde. Boux sienseng haenx couhdwg goenglungz gou. Goenglungz gaiqqaiq cungj rox, gig yunghsim son hagseng.

Gaxgonq sevei gaeuq cungh lwgsai, lwgsai dij lwgmbwk cienh, lwgmbwk itbuen mbouj ndaej hwnj hagdangz. Daxmeh gou lij iq, moix baez gyoengq hagseng hwnjdangz, de cungj gyaenz boemz youq rog cueng caegcaeg dingq sienseng gangj. Goenglungz caeux couh raen lo, hoeng de coengzlaiz mbouj laengz.

Daxmeh 10 bi seiz, goenglungz naeuz swhegij nienzgeij laux ndang-daej nyieg, mbouj miz rengz bae son hagseng lo, siengj doiq ma ranz.

Doeklaeng de ra daengz goengda gou, daez ok aen cingjgouz ndeu: “Gou gaeng laux, gijmaz hix mbouj siengj lo, dan siengj daiq dah lwgmbwk mwngz baema guh bawxlan gou.”

Goengda gig gingq goenglungz, hoeng de lijdwg vah’ unq doi naeuz: “Dahlwg iq lai, mbouj ndaej liz ranz. Yienghneix ba, gou lai gya di ngaenz hawj sienseng.”

Goenglungz naeuz: “Gou son baenz seiqvunz saw, hagseng rim lajmbwn, hix mbouj noix ngaenz yungh, couh siengj daiq dah lwgmbwk gvai mwngz baema, guh bawxlan ranz gou. Ngoenzneix mwngz mbouj dapwngq, ngoenzlaeng gou caiq daeuj.”

Couh yienghneix, goenglungz genhciz deq, doeng gvaq cin daeuj, nit bae hwnq ma, cingjcingj gouz le haj bi, doeklaeng youq daxmeh 15 bi seiz, goenglungz dauqdae gangjgug goengda, doengzeiq daxmeh haq hawj daxboh gou lo.

Ciethoenczwzvaiz

牛魂节

□ Yen Byaub

Youq Cungzcoj Si Dasinh Yen haujlai deihfueng, moix bi daengz liggaeuq loeg nyied coloeg ranzranz guh haeuxnaengi, gaj bit gaj gaeq daeuj baiq cwzvaiz, aenvih ngoenzhaenx dwg ciet-hoenczwzvaiz.

Cienz gangj, youq ciuhlaux miz bi ndeu seizhah, mbwn daegbied hwnq. Miz boux caizcawj ndeu bik bouxguhnaz youq laj nditndat yien vaiz bae cae naz, duzvaiz daengx ngoenz cae naz mbouj ndaej gwn nywj yietnaiq, duzduz cungj deng byom liux. Caizcawj mboujguen duzvaiz dailix, laebdaeb bik bouxguhnaz yien vaiz bae cae naz, hawj duzvaiz byom dai baeg dai, baenzbingh dai bae. Daengx mbanj cij lw geij duz vaiz geq caeuj song duz vaizlw gwn cij haenx. Song duz vaizlw neix daengx ngoenz swenjhemq gwn cij, hoeng duz vaiz geq gyang-

ngoenz deng bik bae cae naz, mbouj ndaej gueng gyoengqde. Vaizlw swenjhemq, gingdoengh sien gwnzmbwn, boux sien roengz-daeuj daiq vaizgeq caeuj vaizlw haeuj luegbya ndaw mieng bae, mbouj hawj gyoengqde caiq deng caizcawj bikhaih. Mbwn yaek laep lo, vunz ndaw mbanj mbouj raen vaiz dauqma, gig sim gip, dauqcawq bae ra cungj ra mbouj raen. Ngoenzdaihngaih banhaet, ranzranz guh haeuxnaengi, gaj bit gaj gaeq, daengz henz naz caeuj dinbya bae ra vaiz caeuj gouz boux sien, baujyouh duzvaiz ndaej bingzan dauqma. Daengz gyang-hwnz, vaiz caen dauqma lo, moix duz vaiz cungj bienq ndaej biz-bwdbwd.

Ngoenzhaenx cingq dwg loeg nyied coloeg. Daj ngoenz haenx hwnj, gyoengqvunz couh dingh ngoenzneix guh ciethoenczwzvaiz, itcig riuzcienz daengz seizneix.